

Concursos

1. «*Jerónimo González*» de Sama Llangréu, entamáu pel Istitutu de Bachiller.

El 17 de mayu fallóse'l sétimu certamen ganándolu D. Pablo Ardisana. El segundu y tercer premiu concediéronse a Tino Pérez del Rufo y a M. Vital d'Andrés Díaz, respetivamente.

Darréu convocóse'l 8 certamen. Los finxos pídense al Istitutu Jerónimo González de Sama Llangréu.

2. La Casa la Cultura de la Pola Siero convoca'l *II concursu d'obres teatrales y cuentu*. Acábase'l plazu'l 30-11-83. El premiu de teatru ta dotáu con 80.000 pesetes; el de cuentos con 40.000. Los finxos pídense a la Casa la Cultura, c/ Luis Navia Osorio 1, Pola de Siero.

3. *II Concursu de rellatos de la mar*. Entámalo: el Seminariu de Llingua y Lliteratura del Istitutu de Candás. Premios de 25.000 y 15.000 pesetes. Los trabayos nun pasarán de les 10 fueyes tamañu foliu y tarán entregaos enantes del 1 de setiembre de 1983.

Consejería de Cultura

NARRACIÓN CURTIA'N LLINGUA ASTURIANA

PRIMERA.—El premiu tien 150.000 pesetes de dotación. Tala cantidá podrá dividise'n dor partes iguales si al xuráu-y cuaya. Tamién podrá dexase ensin dar si la calidá los trabayos nun aportase al altor comentáu.

SEGUNDA.—El presentase ye llibre pa toles persones que quieran. Podrán presentase tolos trabayos

que-y pruya a los autores. Los trabayos han ser inéditos y nun tar prémiaos n'otros concursos. Asina mesmu nun podrán presentase los autores ganaores nes tres caberes ediciones d'esti premiu convocaes pola Diputación.

TERCERA.—El xuráu tará nomáu ente persones arreyaes al ámbitu de la llingua asturiana. El so nomamientu farálu'l Ilmu. Sr. Conseyeru d'Educación y Cultura. Fará de secretariu un funcionariu tituláu superior del rueldu la mesma Consejería.

CUARTA.—Los trabayos tarán escritos en llingua asturiana. Nun tendrán menos de venti fueyes, mecanografíaes a dos espacios y per un solu llau.

QUINTA.—Los trabayos apurriránse a la Consejería d'Educación y cultura, calle'l Sol, númeru 9, Uviéu, n'hores d'oficina hasta'l día 20 de setiembre de 1983, en dos sobres ciarraos nos que s'escribirá: «PREMIU NARRACIONES CURTIES EN LLINGUA ASTURIANA, XOSEFA DE JOVELLANOS», faciendo costar el títulu del trabayu y el nomatu l'autor o autores. N'ún inxerirase'l trabayu por triplicáu y nel otru los datos del autor o autores. Los trabayos puen presentase tamién pel corréu, pero nun s'almitirán los que lleven nel matasellos fecha de dempués de la dicha enriba.

Si se pide asina darase documentu acreditativu del acoyimientu la obra. Nesti casu habrá presentase esti documentu pa retirar les obres premiaes.

SESTA.—La Consejería d'Educación y Cultura resérvase'l drechu d'asoleyar los trabayos premiaos. Tamién podrá asoleyar les obres non premaies, si lo pide'l xuráu, previu alcuierdu col autor o autores.

SETIMA.—Los trabayos que nun se premien tornaránse a los autores, si lo piden, nos tres meses siguientes a que se dea a conocer el fallu. Dempués d'esti plazu, de nun pedise, nun habrá por qué guardalos.

OTAVA.—El presentase a esti premiu supón el tar d'alcuertu dafechu coles bases.

NOVENA.—Los tracamundios, enquivocos y escaezos que nun tuvieren nestes bases, resolverálos el Ilmu. Sr. Conseyeru d'Educación y Cultura. Escontra la so decisión nun cabe retruque daqué.

Concursos de cuentos

Nel mes de xunetu fallóse tamién el concursu de *cuentu curtiu* entamáu dende hai años per Conceyu Bable. Esti añu foron ganaores Emilio A. Somoano y Andrés Solar. Esti últimu ye miembru correspondiente de l'Academia. El Sr. Somoano, pela parte de so, ye ún de los cordinaores de la revista *Astor* y al mesmu tiempu tomó una parte emportante, el día de les lletres asturianas, na emisora Radio Mar, de Xixón. Como ye persabío esta emisora xunto con Radio Popular d'Avilés emplegó abondo la llingua na programación d'esi día.

Tamién s'axuntó'l xuráu del concursu lliterariu pa neños entamáu pel Conceyu Casu, repartiendo 9 premios y apautándose p'asoleyar los trabayos nun llibru.

Llibrería Asturiana

«*Poemes pa Neños*»

El númberu 3 de la colección escolín, de l'Academia de la Llingua asoleyóse nel pasáu mes d'abril.

Recuéyense nél 19 poemes presentaos pel so autor D. Urbano Rodríguez al concursu de *Lletures pa Rapacinos* na convocatoria de 1982. Les ilustraciones féxoles el conocíu pintor Ástur Paredes. De la gran acetación del llibru ente los lletores dan cuenta los pedíos continuos fechos dende les llibrerías a la distribuidora.

